



Broj: 06-45-4544/22

Datum: 25.04.2022.

Na osnovu člana 70. Zakona o organizaciji uprave u Federaciji Bosne i Hercegovine („Službene novine F BiH“, broj: 35/05), člana 18. stav (1) i člana 90. Zakona o javnim nabavkama Bosne i Hercegovine („Službeni glasnik BiH“, broj: 39/14), a u vezi sa članom 2. Pravilnika o postupku direktnog sporazuma („Službeni glasnik BiH“, broj 90/14) i Pravilnika o postupku direktnog sporazuma Ministarstva privrede Unsko-sanskog kantona broj: 06-05-6285-1/2015 od 16.06.2015. godine te Plana javnih nabavki Ministarstva privrede za 2022. godinu broj: 06-45-4085-2/2022 od 11.04.2022. godine, ministrica Ministarstva privrede d o s i:

ODLUKU

o pokretanju postupka javne nabavke

Član 1.

Pokreće se postupak javne nabavke radova - građevinski radovi - usluge popravka i održavanja podova u prostorijama Ministarstva privrede. Procijenjena vrijednost javne nabavke bez PDV-a iznosi 3.500,00 KM (slovima: trihiljadepetstotinakonvertibilnihmaraka).

Član 2.

Sredstva za nabavku roba iz člana 1. ove Odluke obezbjeđena su u Budžetu Unsko-sanskog kantona za 2022. godinu za Ministarstvo privrede na razdjelu 15, glava 01, potrošačka jedinica 0001, funkcionalni kod 0490, izvor 10, ekonomski kod 613 700 – Izdaci za tekuće održavanje.

Član 3.

Postupak javne nabavke provesti će se putem direktnog sporazuma, u skladu sa Zakonom o javnim nabavkama („Sl. glasnik BiH“, broj 39/14), Pravilnikom o postupku direktnog sporazuma („Službeni glasnik BiH“, broj 90/14) i Pravilnikom o postupku direktnog sporazuma Ministarstva privrede Unsko-sanskog kantona broj: 06-05-6285-1/2015 od 16.06.2015. godine.

Član 4.

Ova Odluka stupa na snagu danom donošenja.

obrazloženje

Planom javnih nabavki Ministarstva privrede za 2022. godinu broj: 06-45-4085-2/2022 od 11.04.2022. godine - Radovi pod rednim brojem 2. predviđena je nabavka radova - građevinski radovi - usluge popravka i održavanja podova u prostorijama Ministarstva, u okviru čega je potrebno sanirati postojeće podove u sedam kancelarija Ministarstva. Za ovu vrstu radova predviđena je procedura provođenja putem direktnog sporazuma, a procijenjena vrijednost je 3.500,00 KM bez PDV-a. Radi se o dotrajalim podovima koje je neophodno sanirati. Isti datiraju iz perioda kada je rađena zgrada u kojoj je smješteno i Ministarstvo. Dakle više od 30. godina. Podovi su pohabani, dotrajali i popucali. Navedena sanacija bi dugoročno posmatrajući smanjila između ostalog i troškove održavanja, kao i značajno uticala na povećanje energetske efikasnosti.

Pri donošenju Odluke, Ministrica se posebno rukovodila činjenicom da je predložena nabavka planirana Planom javnih nabavki za 2022. godinu, u dijelu radovi pod rednim brojem 2. šifra 45000000-7, da je realno procijenjena njena vrijednost na tržištu, da su osigurana sredstva za isplatu i predložena odgovarajuća vrsta postupka.

Na osnovu utvrđenog činjeničnog stanja, odlučeno je kao u članu 1. ove Odluke.

